

te dextra, scilicet hepar generans hos humores adustos & acres, ideo est illa exulceratio facta in crure dextro, propter situm membra mādantis, & symbolum cum hepate. An possit curari? Vbi materia est indurata, & facta tāquam lapis, & in loco frigido, scilicet iuncturis, difficile resoluitur, & nō bene patitur emollitionem aut resolutionem. Locus est frigidus, profundus, materia inobedientis sima, casus nō facilis: credo tamen quod aliquid poterit inchoari. Sed cum quibus? Intentio principalis est, vt resoluatur illa materia in illis partibus contenta, & alterare membra: & hæc esset vera curatio. Sed hoc non potest fieri, nisi alia priuō fiant. Nam resoluentia magis indurabunt materialiam extrahendo omne illud quod est tenue & humidum: ideo primò erit materia illa huīectanda cum calefacientibus, quia cōgelatio facta à frigido. Resoluētia enim adhibita ante mollificationem, magis petrificabunt materiam, & fient deinde tāquam lateres, qui nec à calido, nec à frigido resoluuntur. Ergo secunda surgit intētio, scilicet mollificatio. Sed hæc duo nō possunt fieri, nisi habamus corpus mundum: nisi enim hoc fiat, plus demandabitur ad partē lēsam, quām resoluamus & mollificemus: resoluentia enim plus attrahēt, & mollificantia plus præparabunt, & ita plus affuet quām resoluatur. Sunt itaq; quatuor intentiones in hoc casu, & quod vltimò inuentū est in resolutione, primū erit in executione. Primò ergo exquisitè euacuetur ab yniuerso corpore humor maximè peccās, pituitosus scilicet, quē humorē magis timemus. Hoc autē nō possumus, nisi præmissis cōcoquentibus. Quēritur, an cōueniat syru.acetosus, & alij cōfecti ex aceto? Videtur enim quod non, quia acetū nocet neruis ex duplicita causa, & quia mordicat, & propter complexio-nem suā, quia est frigidū. Dico quod acetosa illa non perueniunt ad locum affectum. Mesue dicit: quod syru.acetosus facit penetrare medicinas ad caloca, ad quæ aliās non penetrarent. Et Gale.3. 22.27.27 dicit: quod si nerui sunt vulnerati, & in profundo, quod tum cū alijs medicamentis admiscēdum sit acetum, quia iuuabit penetrationē aliorum medicamentorum: & dicit ibi Gal. quod acetū amittit in transitu vires suas acres, antequā accedit ad neruos. Dico igitur, si acetum amittit vires suas in tā paruo trālitū, multò magis amittet vires, si per os sumatur: longa enim est via per ventriculū,hepar, &c. antequā ad neruos perueniat, & sēpe mutatur & alteratur: & ideo possumus vti aceto in affectionibus neuorū, & syr.acetosus optimè conuenit. Et vtinā syrupi nostri es-sent magis acetosi q̄ sunt, sunt enim ferē dulces plus q̄ acetosi. Cōmiserē mel rosa.cū syr.acetoso, qui cōuenit & vētriculo, & impedit mel ne corruptionem faciat acetū, 3.j.inellis ros. & 3.j.acetosi syr.cū decocto betonicae & Iuæ, propter neruos. Pro euacuatione darē agaricum, & medicinas in quas ingreditur agaricū, vt pillulæ cochiæ, aggrediū, trahunt enim à iuncturis. Diaphœnicon nō exhiberem, quia nō est in eo nisi turbit & scāmonea, & in eo eī nulla vis ad humorē pituitosum: nihil enim operatur turbit, nisi ei addatur.

A scāmonea, & tandem turbat. Ego aliquādo volui facere periculū, & exhibui ipsius turbit etiā corrécti cum zinzibere & sine zinzibere 3. iij. & etiam 3. iiij. in varijs corporibus, & nihil eduxit, sed tantum fecit cōturbationes. Mesue dicit, turbit albi gummosi: vbi habebimus hoc? nostrum est siccū, & merum lignū, & abhorreo ab hoc. Pillulæ magis essent conuenientes. Darem agarici præparati 3. ij. cum cassia: item cōfect. hamech. Et purgetur bis, ter, & sēpius, si opus fuerit.

Quo ad localia, primo est molliendū, quia materia est congelata à frigore, vt suprà dictum est, non à calore, ideo potest recipere curam. Si à calido esset materia indurata & petrificata, nō posset curari. Ergo primò molliatur materia, cū in moderatione calore colliquante, & nō resolente: quod colliquatum est, oportet moderatè resoluere: & hæc per vices applicentur, excedatq; potius mollificatio ipsam resolutionē, quām cōtrā: & hæc permisceantur: magis tamē placet mihi quod seorsum hæc applicentur, & vincēt semper mollificantia: nam vitiū in resolutione est incurabile. Et placet mihi quod semper usus est pinguedine humana, quæ moderata est, nō resoluit, sed mollificat tantum, & bene factū est. Primò procederē cum molificantibus secundi gradus, postea cum molificantibus primi gradus. Myrrha, ammoniacum, hyssopus humida, crocus, &c. sunt mollicitia in secundo gradu: & in his sēpe erramus, quia nō possumus metiri quantitatem: & hæc antiquata, efficiuntur resoluentia, & acquirunt calorē: ideo tu-tius est vt permaneamus in molificantibus primi gradus, vt est adeps porcinus, oleum chamæmel. decoctum althææ, maluæ, liquiritiæ, sem. lini, fœ-nugræci. Hæc ferē accedit ad secundum gradū. Primò fiat decoctū ex camomilla, malua, althæa, liquiritia, & fomentetur locus cū spongia, postea illiniatur cū oleis istis. Ad penetrationem posset apponi modicū croci, & lana humida mollii locus per sex dies: postea per unum diem faciem resolutionē, vt cum pyrite lapide, quod Galen. dicit esse magicum quiddam: & sic longè maior erit mollificatio quām resolutio. Loco pyritis accipiatur lapis molaris. Si vellet tentare balnea S. Bartholo. optimè conuenirent. Montagnana scribit de quodam Cardinale, qui erat totus contractus, & quādiu fuit in hoc balneo, extendebat omnia membra, & tandem curatus est. Et nos habuimus hīc puellam Dalmatam 18. annorū, quæ tota cōtracta fuit, & sanata est perfectè, & iam nupsit viro. In altero crure vtatur primò alteratibus locum. Primò fiant abstergentia vlcus ex lapatho hordeo, plantagine & balaustijs: decoquerē hæc in aqua fabrorum ferrariorum, vel alia aqua, & facere lotionem cruris & vlcis: post lotionem exiccare locum, & acciperem postea succum solatri contritum in mortario plumbeo cum pistillo plumbeo, donec fieret solidior, & facerem linimentum, & linirem crus. Remota mala temperatura accederem ad sanandum vlcus, & adhibe-re rem vnguentum de tutia, quo nihil est præstantius in materijs audistis.